

史

列傳第十三

光祿大夫

經筵講官制史總裁戶部尚書加七級

編撰

馮勝

兄國用

傅友德

廖永忠

藍玉

曹興

曹震張翼
溫陳恒

勝定遠人初名國勝又名宗異最後名勝生時黑氣滿室

經日不散及長雄勇多智畧與兄國用俱喜讀書通兵法元

末結寨自保太祖畧地至妙山國用偕勝來歸甚見親信太

祖嘗從容語天下大計國用對曰金陵龍蟠虎踞帝王之都

先據之以為根本然後西出征伐倡仁義收人心勿貪子女

玉帛天下不足定也太祖大悅俾居幕府從克滁和戰三又
河板門寨鷄籠山皆有功從渡江取太平遂命國用典親兵
委以腹心陳瑊先旣就擒太祖釋之令招其部曲國用曰瑊
先必叛不如弗遣後果叛爲鄉兵所殺其從子兆先復擁大
衆屯方山蠻子海牙扼采石國用與諸將攻破海牙水寨又
破擒兆先盡降其衆三萬餘人太祖擇驍勇五百人置麾下
夜令褰帳而寢悉屏舊人獨留國用侍臥榻太祖酣寢達旦
五百人者始安國用率以攻集慶爭效死先登遂克之與諸
將下鎮江丹陽寧國泰興宜興從征金華攻紹興累擢親軍
都指揮使卒於軍年三十六太祖哭之慟追封郢國公勝先
已積功爲元帥至是命襲兄職典親軍陳友諒逼龍灣太祖

崇之戰於石灰山勝攻其中堅大破之溺數萬俘七千人追
破之采石遂復太平又從征友諒破其安慶水寨長驅至江
州走友諒進親軍都護從解安豐圍戰鄱陽湖遷同知樞密
院事從下武昌克廬州移兵取江西諸路與諸將收淮東克
海安壩取泰州徐達圍高郵太祖令還泰州以勝督軍守將
詐降勝令指揮康泰率數百人先入城敵閉門盡殺之太祖
怒召勝決大械十令步詣高郵勝慚憤力攻克之遂取淮安
安豐破擒吳將呂珍於舊館下湖州再遷右都督從大將軍
達北征下山東諸州郡洪武元年兼太子右詹事坐小法貶
一官爲都督同知引兵克樂安遡河取汴洛趨潼關守將迎
戰破之遂奪關取華州還汴謁帝行在授征虜右副將軍留

守汴梁尋從大將軍征山西由武陟取懷慶踰太行克碗子城取澤潞擒元右丞賈成於猗氏克平陽絳州帝悅詔右副將軍勝居常遇春下偏將軍湯和居勝下偏將軍楊璟居和下渡河趨陝西克鳳翔李思齊走臨洮獲薛平章等遂渡隴取鞏昌進逼臨洮還從大將軍圍慶陽執張良臣陝西悉平帝召大將軍還命勝駐慶陽節制諸軍勝以關陝既定輒引兵還帝怒切責之念其功大赦弗治而賞資金幣不能半大將軍尋復爲右都督以右副將軍同大將軍出西安壽定西破擴廓帖木兒獲士馬數萬分兵自秦州南出一百八渡徇畧陽擒元平章蔡琳遂入沔州遣別將自連雲棧合攻興元克之洪武二年授開國輔運推誠宣力武臣特進榮祿大夫

右柱國同叅軍國事封宋國公食祿三千石予世券時擴廓尚在和林數寇邊帝患之五年大發兵三道出塞命勝爲征西將軍率副將軍陳德傅友德等取甘肅至蘭州友德以驍騎前驅再敗元兵勝復敗之掃林山至甘肅元將上都驢迎降至亦集乃路卜顏帖木兒亦降次別篤山岐王朶兒只班遁去追獲其平章長加奴等二十七人及馬駝牛羊十餘萬是役也大將軍達軍不利左副將軍文忠殺傷相當獨勝斬獲甚衆全師而還會有言勝私匿駝馬者賞不行自後數出練兵臨清北平出大同討元殘寇鎮陝西及河南冊其女爲周王妃久之大將軍達左副將軍文忠皆卒而元丞相納哈出擁衆數十萬數爲邊害二十年命勝爲征虜大將軍賴國

公傳友德永昌侯藍玉爲左右副將軍率南雄侯趙庸等以步騎二十萬討之鄭國公常茂曹國公李景隆申國公鄧鎮等皆從帝復遣故所獲納哈出部將乃刺吾者奉璽書諭之降勝出松亭關分築大寧寬河等四城駐大寧踰兩月留兵五萬守之而以全師壓金山納哈出見乃刺吾而驚曰爾尚存乎乃刺吾述帝恩德納哈出喜遣其左丞探馬赤等獻馬且覘勝軍勝已深入踰金山至女直苦屯降納哈出之將慶國公觀童大軍奄至納哈出度不敵因乃刺吾請降勝使藍玉輕騎受之納哈出遂率數百騎詣玉玉與飲歡甚納哈出酌酒酬玉玉解衣衣之納哈出不肯時常茂在坐起斫其臂傷不得去都督耿忠擁以見勝其將士妻子十餘萬屯松花

河聞納哈出傷驚潰勝遣覲童論之乃降得所部二十餘萬人牛羊馬駝輜重亘百餘里還至亦迷河復收其殘卒二萬餘車馬五萬而都督濮英殿後爲敵所殺常茂者勝婿也勝兒子遇之茂嘗不遜至是以捷聞并奏茂罪狀盡將降衆二十萬人入關帝大悅使使者迎勞勝等械繫茂會有言勝多匿良馬使闇者行酒於納哈出之妻求大珠異寶王子死二日強娶其女失降附心又失濮英三千騎而茂亦許勝過帝怒收勝大將軍印命就第鳳陽奉朝請諸將士亦無賞勝自是不復將大兵矣二十一年奉詔往東昌調番兵征曲靖中道叛詔勝鎮永寧撫安之二十五年命籍太原平陽民爲軍立衛屯田尋加太子太師偕賴國公友德練軍山西河南諸

公侯皆聽節制時太祖次列勲臣望重者八人勝居第三太祖春秋高多猜忌勝功最多數以細故失帝意藍玉誅之月召三京騎二年賜死諸子皆不得嗣封而國用子誠積戰功雲南累官至右軍左都督補王時追諡國用武翼贈勝寧陵王追諡武壯列祀功臣廟納哈出者元本華黎裔孫爲太平路萬戶太祖克太平被執以名臣後待之厚知其不忘元資遣北歸元旣止納哈出以太尉聚兵金山畜牧蕃盛帝遣使招諭之終不報寇遼東爲葉旺所敗勝等大兵臨乃降封海西侯從傅友德征雲南道卒子察罕改封瀋陽侯後坐藍黨死

傅友德其先宿州人後徙揚山元末從太盜李喜之入蜀喜

之敗從明玉珍玉珍不能用走武昌從陳友諒爲別將無所知名太祖攻江州至小孤山友德率衆降帝奇之用爲將從援安豐畧廬州還從擊友諒於鄱陽湖輕舟挫其前鋒被數創戰益力復與諸將邀擊於涇江口旣殲友諒從征武昌城東南高冠山下瞰城中諸將相傾莫敢登友德率數百人一鼓奪之流矢中頰復洞脅不爲沮武昌平授雄武衛指揮使從徐達拔廬州別將克夷陵衡州襄陽攻安陸被九創破擒其將任亮從徐達下淮東破張士誠援兵於馬驪港獲戰艘千復大破元將竹貞於安豐同陸聚守徐州擣廓遣將李二來攻兵寡度不敵遂堅壁調其出掠以三千人沂河至呂梁登陸擊之刺其驍將韓乙敵敗去度且復望還城閉門而

陣於野臥戈以待約聞鼓聲則起二果至鳴鼓士躍起搏戰
破擒二進江淮行省叅知政事從大將軍達北征破沂州下
青州元丞相也速來援以輕騎誘敵人伏奮擊敗走之遂取
萊陽東昌明年從定汴洛收諸山寨渡河取衛輝彰德至臨
清獲元將爲嚮道取德滄州旣克元都偵邏古北隘口守盧
溝橋畧大同還下保定真定從攻山西克太原曠廓自保安
來援萬騎突至友德以五十騎衝却之因夜襲其營曠廓倉
卒遁去追至天門關獲其士馬萬計復敗賀宗哲於石州敗
脫列伯於宣府從攻張思道下華昌臨洮會大將軍圍慶陽
以偏師駐靈州過其援兵遂克慶陽還賜白金文綺又從大
將軍擣定西人破曠廓移兵伐蜀領前鋒出一百人渡奪畧

陽關遂入沔分兵自連雲棧合攻漢中克之還軍西蜀將
吳友仁寇漢中友德以三千騎救之徑黑龍江攻斗山寨令
軍中人持十炬燃於山上蜀兵驚遁洪武三年冬授開國輔
運推誠宣力武臣榮祿大夫柱國同知大都督府事封穎川
侯食祿千五百石子世秀未幾充征虜前將軍與征西將軍
湯和分道伐蜀和率廖永忠等以舟師攻瞿塘友德率顧時
等以步騎出秦隴太祖諭友德曰蜀人聞我西伐必悉精銳
東守瞿塘北阻金牛以抗若出不意直搗階文門戶既陷腹
心自潰兵貴神速患不勇耳友德策馳至陝集諸軍揚聲出
金牛而潛引兵趨陳倉攀援巖谷晝夜行抵階州賊將其
世珍克其城蜀人斷白龍江橋友德修橋以渡破五里關遂

拔文州渡白水江趨綿州至漢江水漲不得渡伐山造戰艦
欲以軍聲通瞿塘乃削不爲牌數千書克階文綿日月投漢
水順流下蜀守者見之皆解體初蜀人聞大軍西伐悉相戴
壽等果悉衆守瞿塘及聞友德破階文擣江油始分兵援漢
州以保成都未至友德已破其守將向大亨於城下謂將士
曰蜀人破瞻援兵至無能爲也迎擊壽等大敗之遂拔漢州
進圍成都壽等以象戰友德令强弩火器衝之身中流矢不
退將士殊死戰衆反走躡藉死者甚衆壽等聞其主明昇已
降乃籍府庫倉廩面縛詣軍門成都平分兵徇州邑未下者
克保寧執吳友仁送京師蜀地悉定友德之攻漢州也湯和
南順軍大溪口旣得木牌於江流乃進師而戴壽等撤其精

兵西救漢州留老弱守瞿塘故永忠等得乘勝壽重慶釋明
昇於是太祖製平西蜀文盛稱友德功爲諸將第一師還受
上賞五年副征西將軍馮勝征沙漠敗失刺罕於西涼至永
昌敗朶兒只巴獲馬牛羊十餘萬畧甘肅射殺平章不花降
太尉瑄納兒等至瓜沙州獲金銀印及雜畜二萬而還是時
師出三道獨友德全勝以主將勝坐小法賞不行明年復出
雁門爲前鋒獲平章鄧孛羅帖木兒還鎮北平陳便宜五事
皆從之召還從太子講武於荆山益歲祿千石九年副中山
侯和碩撈伯顏帖木兒於延安降其衆帝將征雲南命友德
巡行川蜀雅播之境修城郭繕關梁因兵威降金統普定諸
山寨十四年副大將軍達出塞討乃兒不花渡北黃河虜灰

山新獲甚衆其年秋克征南將軍李左副將軍薩玉右副將
軍沐英將步騎三十萬討雲南至湖廣分遣都督胡海洋等
將兵五萬由永寧趨烏撒而自率大軍由辰沅趨貴州克普
定普安降諸苗蠻進攻曲靖大戰白石江擒元平章達里麻
速堅烏撒酋格孤山而南以通永寧之兵遣兩將軍趨雲南
梁王把也剌瓦爾密走死友德城烏撒羣蠻來爭奮擊破之
得七星關以通畢節又克可渡河降東川烏蒙芒部諸蠻烏
撒諸蠻復叛討之斬首三萬餘級獲牛馬十餘萬電翠宋欽
皆降蠻地悉平進討賴國公食祿三千石予世券十九年東
川蠻叛復爲征南將軍率師討之破越州叛酋阿資平平越
諸蠻苗還練兵北平從擒出用古北口副大將軍馮勝襲納

哈出於金山降其衆二十一年再討曲靖普安二十三年征沙漠擒乃兒不花還駐開平復征寧夏明年征哈者舍利追元遼王軍行遽令班師敵不設備因潛師深入至黑嶺寒山大破敵衆而還再出練兵山陝總屯出事命兼太子太師尋遣還鄉友德嗜啞跳盪身冒百死自偏禪至大將每戰必先士卒雖被創戰益力以故所至立功帝屢敕獎勞子忠尚壽春公主女爲晉世子濟熸妃二十五年副宋國公勝練軍山西河南明年偕召還又明年賜死弘治中晉王爲友德五世孫瑛援六王例求襲封下禮官議不許福王時追封友德麗江王謚武靖祀功臣廟

廖永忠巢人楚國公永安弟也從永安迎太祖於巢湖年最

少太祖曰汝亦欲富貴乎永忠曰獲事明主掃除寇亂垂名竹帛是所願耳太祖嘉焉副永安將水軍渡江拔采石太平擒陳瑊先破蠻子海牙及陳兆先定集慶克鎮江常州池州討江陰海寇皆有功永安陷於吳以永忠襲兄職爲樞密院院總其軍攻趙普勝柵江營復池州陳友諒犯龍江大呼突陣諸軍從其後大敗之進同知樞密院事從伐友諒至安慶破其水寨遂克安慶從攻江州州城臨江守備甚固永忠揣城高下造橋於船尾名曰天橋以船乘風倒行橋傳於城遂克之進中書省右丞從下南昌援安豐戰鄱陽湖決圍殊死戰張定邊直犯太祖舟常遇春射走之永忠乘飛舸追且射定邊被矢如蝟漢卒多死傷明日永忠與俞通海等以七舟

載葦荻乘風縱火焚敵樓船數百又以六舟深入搏擊復旋繞而出敵驚爲神友諒潰奔又邀擊之涇江口友諒死從征陳理分兵柵四門於江中聯舟爲長寨絕其出入理降改湖廣行省左丞取江西未下州郡從徐達取淮東張士誠遣舟師薄海安太祖令永忠還兵水寨禦之達遂克淮東諸郡從伐士誠取德清進克平江拜中書平章政事尋充征南副將軍率舟師自海道會湯和討降方國珍遂自海道取福州洪武元年兼同知詹事院事畧定閩中諸郡至延平與陳友定隔水而陣分軍渡水破之執友定遂拜征南將軍以朱亮祖爲副由海道取兩廣永忠先發書諭元左丞何真曉譬利害師至潮州真遣使籍廣東郡縣奉表降至東莞真率官屬來